

SECONDA LETTERA DI SAN GHJUVANNI APOSTULU

	Pagina
Saluti è auguri	1
L' amore fraternu	–
L'Anticristi	–
Epilugu	–

SECONDA LETTERA DI SAN GHJUVANNI

Saluti è auguri

- 1 L'anzianu à l'eletta Kyria è à i so figlioli , tenuti assai cari micca sulamente da mè , ma ancu da tutti quelli chì anu cunnisciutu a Verità.
- 2 Questa hè cù noi è mai ci abbandunerà .
- 3 Pudemu dunque esse sicuri d'ottene smiritatu favore [è] pace da Diu , u nostru Babbu , è da Ghjesù Cristu , u so Figliolu , cù Verità è Amore .

L'Amore fraternu

- 4 A cundotta di unipochi di i to figlioli chì viaghjenu cù a Verità, mettendu in pratica u Cumandamentu ch'è n'emu ricevutu da u nostru Babbu [Celestu] , mi ralegre assai .
- 5 E' avà , Kyria , permetti ch'e ti ramenti un Cumandamentu , chì ùn hè nuvellu . Tutti u cunniscimu dipoi u principiu : tenimuci cari l'unu cù l'altu .
- 6 Tale hè l'Amore: devemu cuntinuà à viaghjà secondu i so Cumandamenti. Tale hè a legge ch'è v'ete imparatu da u principiu : devemu marchjà in ella .

L'Anticristi

- 7 [Carissimi , sfidemuci] di i numerosi Seduttori chì sò isciuti per u mondu. Elli dicenu chì Ghjesù ùn hè u Missia , Figliolu di Diu , Salvatore di u mondu : è eccu l'Ingannatore è l'Anticristu .
- 8 Aprite l'ochju , affinché vo ùn perdite u stantu di u nostru travagliu , ma Ch'e vo ottenghite una piena ricumpensa .
- 9 Tutt'omu chì s'allontaneghje di l'Insegnamentu di u Cristu , ùn hà u Cunsentu di Diu ; ma quello chì sempre face soiu stu Insegnamentu hè benedettu da u nostru Babbu [Celestu] è da Ghjesù Cristu , u so Figliolu .
- 10 S'è qualchissia , calcichendu sta Duttrina , vene à u vostru incontru , ùn lu ricevite in casa vostra , è ùn li indirizzate salutatione.
- 11 Perchè quello chì l'indirizze salutatione divente un sociu di e so gattive opere .

Epilugu

12 Bench'e aghja assai cose à divvi , ùn vogliu aduprà carta è inchjostru , ma speru di vene in'è voi è parlavvi à bocca , affinchè a vostra gioia sia perfetta .

13 I figlioli di a to surella , l'Eletta , ti mandenu e so salutatione .

.....